

Las alps da Russein e S. Gagl han scargau



(anr/hh) La sonda vargada han las alps da Russein e S. Gagl scargau. Cun dabia luschezia ein il personal dallas alps, ils purs e gidonters returnai a casa culs animals che han passentau il temps da stad ad alp. Cun in til atras il vitg han els presentau las vaccas – las meglieras e pli bialas ornadas cun flurs – alla populaziun. Quei ei onn per onn in eveniment ch'ei convegn da perseguir. Nossa foto dat in'impresiu dalla scargada dall'alp da Russein atras il vitg a Mustér.

FOTO H. HUONDER

reclama



Anton Leist (77), Jona SG
Rentner

Ich habe gerechnet! Die Krankenkassenprämien steigen von Jahr zu Jahr. AHVplus würde helfen, sie zu bezahlen. Deshalb sage ich klar JA

zu AHV⁺ ja

Stimmen Sie am 25. September

«Allianz für eine starke AHV», PT 3000 Bern 23

Trens senza manischnz

■ (rtr) En Svizra duai quai gia bainbaud dar in'emprouva cun trens che charreschan senza locomotivists. Quai demussan retschertgas da radio SRF. La «Südostbahn» che cursescha tranter Son Gagl e Lucerna vul far ils emprims tests sin sia rait. Il project da pilot cun ils trens senza locomotivists saja tant sco pront. En Svizra datti fin ussa be ina viafier sutterrana a Losanna ed il tren a l'eroport da Kloten ch'èn da viadi senza locomotivists.

Success per il Cant aviert a Flem

Cuminonza Romontscha Flem

■ Dacuort ha in'ulteriura sera da cant aviert giu liug a Flem sut la direenziun d'Ursin Defuns e da Kurt Jeitziner. Per l'emprema gada ei quel vegnius salvaus en la Ca'Grandis Arena Kitchen. L'occurranza ei stada publica aschia che scadina interessenta e scadin interessent ha saviu prender part.

Liunga tradiziun

Il Cant aviert dalla Cuminonza Romontscha ha a Flem ina liunga tradiziun. L'emprema gada vegn el numnaus els protocols dalla Cuminonza igl onn 1998, pia gia avon schotg onns. El vegn salvaus mintg'onn – e quei pil solit duas gadas ad onn. All'entschatta haveva el liug ella Casa d'uaul, uss sespleiga el gia dapi entgins onns a Flem Vitg. Ils davos onns cantav'ins ella Sentupada dalla pleiv reformada. Uonn ha – per l'emprema gada – la Ca'Grandis Arena Kitchen surviu sco liug da cant.

Participaziun

Sper las participontas ed ils participonts da Flem han uonn era singulas cantaduras e singuls cantadurs dad autras vischnaucas anflau la via a Flem e fatg part dalla purschida. Aschia ein las vischnaucas da Trin, Laax, Sagogn, Lumnezia, Breil e Trun stadas representadas. Per ils amitgs dil cant a Flem ha ei fatg bein da veser che era cantaduras e cantadurs romontschs d'ordeifer schazegian il Cant aviert a Flem. Il plascher da cantar ei lu era staus veseivels en in dai vid las fatschas dallas participontas e dils participonts.

Il plascher da cantar ei en general part dallas persunas che separticipeschan ad in Cant aviert. Duront l'occurranza eis ei denton stau evident che ils menaders Ursin Defuns e Kurt Jeitziner han fatg cre-

scher veseivlamein quei plascher tiels presents. Igl ei buca surfatg da scriver d'in entusiassem che ei ius vi dils menaders sils presents. La fascinaziun per il cant dils menaders sez – cumbinada cun la tgunschadad d'integrar lur instruments – ha tschaffau ils presents e caschunau era tier els fascinaziun.

Menaders dil Cant aviert

Ursin Defuns e Kurt Jeitziner ein omisdus magisters al gimnasi dalla scola claustrala da Mustér. Els instrueschan omisdus romontsch, plinavon musica ni franzos. Il romontsch stat a cor ad omisdus taluisa ch'els ein sedecidi – ensem cun la Lia Rumantscha – dad edir il cudisch da canzuns «Da Cumpignia» che ha remplazzau «Il Grisch» dad antruras. Meinsvart vegnan els clamai da far in referat davart il romontsch enzanua ordeifer, ni ch'els survegnan visetas da scolas dalla Bassa che vulan empernder d'enconuscher il romontsch. Aschia ein els sedecidi da seprestar sco «Curdin ed Ursin», da cantar cun igl auditori, da preleger historiettas, mo era da declarar entgins detagls ord la Romontschia entras ils text dallas canzuns popularas.

Decuors dalla sera

Suenter il beinvegni dil president Hanspeter Meiler han ils menaders cantau culs presents ord lur cudisch «Da cumpignia» 28 canzuns, la gronda part romontschas. Singulas canzuns talianas, franzosas ed englesas han cumpletau il repertori. Denteren ha Defuns delectau ils presents cun poesias e texts hilarics. Alla fin dalla sera ein las participontas ed ils participonts i in ord l'auter cuntents e cun la speronza da zacu puspei seveser a caschun dad in ulteriur Cant aviert.

Giosch Gartmann, Flem